

**DAP dakwa hutang 1MDB RM2.04 bilion hilang**  
**Malaysian Insider**  
**Oct 27, 2015**  
**Oleh Diyana Ibrahim**

Susulan penafian Putrajaya berhubung kewujudan hutang 1Malaysia Development Berhad (1MDB) sebanyak RM2.04 bilion kepada syarikat Abu Dhabi, International Petroleum Investment Corporation (IPIC), DAP hari ini membangkitkan persoalan mengenai "kehilangan" wang tersebut.

Ahli Parlimen Petaling Jaya Utara Tony Pua berkata, keengganan Kementerian Kewangan menjelaskan hal itu menunjukkan mereka cuba melindungi perkara sebenar.

Ini kerana katanya, terdapat percanggahan antara jawapan kementerian itu dan laporan audit IPIC yang jelas menunjukkan kewujudan wang tersebut.

"Keengganan kementerian mendapatkan penjelasan daripada IPIC menunjukkan ada sesuatu disembunyikan.

"Ke mana duit tersebut hilang?" soal wakil rakyat DAP itu pada sidang media di lobi Parlimen hari ini. – 27 Oktober, 2015.

Copyright © 2015 Edge Insider Sdn Bhd

Source:

<http://www.themalaysianinsider.com/bahasa/article/dap-dakwa-hutang-1mdb-rm2.04-bilion-hilang>